



Universitätsbibliothek Paderborn

**De Vita Et Morib. Ignatii Loiolæ, Qvi Societatem Iesv
Fvndavit, Libri III**

Maffei, Giovanni Pietro

Dvaci, 1585

Generalis Jgnatius denuo Catechistæ munere fungitur. Cap. XIV.

urn:nbn:de:hbz:466:1-44004

*Generalis Ignatius denuo Catechistæ munere
fungitur. C A P . X I V .*

PE R eos dies nomen Societati dederat è Pontificia familia Petrus Codatus Laudensis, vir honoratus, & opulento sacerdotio præditus. Is, diuino prorsus insti-
tu, diuitijs & cōmodis omnibus propter Christum abdicatis, Marthæ munus in Societate sibi vltro de-
poposcit, & egregie præstiterit; in alimēta Patriū (erat
autem Virbe tota notissimus, & apud principes gra-
tiosus) eleemosynis vndiq. corrogandis. quæ res
Ignatium & socios magna molestia liberauit; quip-
pe quos in spiritualem proximorum salutem omni
studio intentos, temporariæ curæ ad eam diem val-
de impedierant. Eiusdem Petri opera templum etiā
proprium Societas nacta est sanctæ Mariæ à Strata,
non satis amplum illud quidem, aut commodum,
sed tamen in celeberrima Vrbis regione, & ad So-
cietatis functiones in primis idonea: cuius loco, dū
hæc scriberemus, Alexander Farnesius Cardinalis,
Pauli III. Pontificis maximi nepos, ædem nomini
Iesu magnificissimam regio sumptu exstrue-
bat. Ei templo deinde adiuncta domus est, quam hoc
tempore Patres incolunt, Philippi Archinti bene-
ficio, Salassiorum Episcopi, qui tum Pontificis vices
in diœcesi Urbana gerebat, viri de Societate vniuer-
sa in primis optime meriti. In eo igitur tēplo Ignatius,
professionis lege, sex & quadraginta diebus
Christianæ catechesi operam dedit è loco superio-
re, magna & assidua non modo plebis, verum etiam
præstantium virorum frequentia: prorsus, ut quidā
ex optimatibus palam gloriarentur, beatosq. se fer-
rent,

rent, quod nullam omnino ex Ignatij concionibus omisissent. Agédi autem rationem sequebatur eiusmodi. Fidei præcepta & mysteria cognitu necessaria, primum ad vulgi captum explanabat, iterabatq. ubi opus esset, eadem sèpius: deinde opportunis digressionibus certos interim locos tractabat fusi, non tam ad ingenij vel doctrinæ ostentationem, quam ad pietatem excitandam, populumq. permouendum accommodatos. idq. tam veris graibusq. sententijs, tam ardenti vultu oculisque, ut diuinam moris ignem vndiq. spirare videretur, minime fucatae eloquentiae vir, nec in singulas voces numero sq. solicitæ, sed ingenti animo, prout impetus tulerat, sua sensa prosequentis. Itaq. perorationem eius, nō ineptus populi plausus, aut stulta facundiæ commeditatio sequebatur, sed alta suspiria gemitusque, & anteactæ vitæ detestatio falutaris: ut vel defixis humi oculis tristes ac sibimet irati discederent: vel etiā illico fese ad sacerdotum pedes abiijcerent confitendi causa tanto cum fletu atq. singultibus, ut lingua soluere, aut vocem in verba formare vix possent.

Societas augetur, distribuuntur prouinciae.

CAP. XV.

IN T E R hæc Societas maiorem in modū crescere, sublatisq. Pôtificis decreto cæcellis, quos initio idem Pontifex (ut dictum est) illi probandæ præfixerat, multi certatim ad militiâ spiritualem Ignatiodare nomina. Cumq. noui ordinis fama, bonusque odor instituti operis manaret quotidie latius; Patres varijs orbis terræ locis vehementer expetebantur.

Itaq.